



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

22 c Simphorianus marterer zû Augustodun.

urn:nbn:de:hbz:466:1-41449

c xj. Calend. Septemb.

Der XXII. Tag im Augustmonat.

Best ist der achte Tag der Himmelfart Mariae /
der allzeit gebenedeyten Junckfrawen vnd Mä-
ter Gottes.

Item zu Rom / der Geburtstag des heyligen Prie-
sters vnd Marteners Timothei / welcher zur zeit des
Kaysers Galerij von Antiochia gen Rom kam / vnd von
dem heyligen Priester Siluestro / so hernach Paps er-
wöhlet / zu herberg auffgenommen ward. Da er nun in
einem Jar vnd drey Monaten vil Volcks zum Christ-
lichen Glauben beköhit / ward er von dem Stattpfleger
Anno Dñi Tarquinto gefangen / auch nach langer gefencknuß vnd
300. vilen Martern enthaupt. Sein Leib ist zu S. Paulus
des Apostels Leib begraben worden.

Item die begräbnuß der heyligen Marterer Ti-
mothei / des Alexandrinischen Bischoffs / vnd Protherij
seines Priesters / welche beide dapffere Kämpffer waren
wider die Kezerische Bildstürmer / so der heyligen Bild-
nuß nicht dulden wolten. Auß der Besachen ward Pro-
therius von ihnen gefangen / vnd in der Kirchen zutod
geschlagen / dessen Leib auch verbrennt worden / Timo-
theus aber entwich ihnen / vnd verschid in wenig tagen
hernach in grosser angst auß disem leben.

Item zu Augustodun / des heyligen Marteners
Simphoriani / von Christlichen Eltern geboren / der in
seiner Jugendt die alten mit dapffern Sitten vnd Zu-
genten vbertraffe. Als er zur zeit des Kaysers Aure-
liani bey den Hayden stünd / die den Abgöttern Opf-
erten / Er aber dem Bild Veneris nicht opffern wolt /
ward

Anno Dñi
300.

Anno Dñi
300.

Anno Dñi
300.

Anno Dñi
730.

Anno Dñi
730.

Anno Dñi
274.

ward er nach vilen schlägen vnd langer gefängnuß ent-
hauptet/den sein Mütter zu der Marter frey stercket.

Item bey Rom/ der heyligen Bilger vnd Mar-
terer Martialis/Epicteti/Saturnini/Aprilis vnd Fe-
licis/sampt ihren gesellen.

Item zu Rom/ des heyligen Marterers Antho-
nini. Als der war ein Hencker / vnd S. Eusebium
sampt seinen gesellen (von welchen hernach am 25. tag
dies Monats gemeldet wirdt) marteret/sah er ein Engel
sine Wunden mit einem Schwamm abwischen/ Der-
halb ward er zur sünd glaubig / bekennet sich offent-
lich ein Christen/fohe hinweg/vnd ward von dem Prie-
ster Rufino heimlich getaufft / Als er aber darnach wi-
der kam zu dem Richter Vitellio / ward er auß desselben
befelch enthauptet/vnd ehlich begraben.

Anno Dñi
184.

Item in der Statt Remis in Franckreich/ das ley-
den des heyligen Mauri / vnd anderer fünffsig Marte-
rer/welche mit sampt Timotheo von Rom gen Remis
geschickt/das wort Gottes predigten / vnd vmb Christi
willen/mit denen die sie beköht vnd getaufft hetten/von
dem Gottlosen Pfleger Lampedio / enthauptet seind
worden.

Item zu Rom des H. Marterers Hyppoliti.

Item auff dem Falckenberg/in der Statt Meua-
nia/die begräbnuß des H. Jacobi de Blanconibus/der
im Leben/Sitten vnd Wunderwerken fürtrefflich / als
er nun alt worden/vnd Blüt von einem Crucifix flosse/
sich vnderm Angesicht/an Klaidern vnd Händen spren-
get/ist sein Seel gen Himmel gefahren/sein Leib
aber bleibt vnuerweset/vnd behelt das
Blüt Christi noch in seinen
händen.

Anno Dñi
1301.